

# Paul e Clau


## La tiarza fatga

In cusunz dev'ei er cheu  
El ins drova tscheu e leu.



Per firaus e luverdis  
Cumpar Buc vegn mai unfis  
Da tagliar la vestgadira  
E refar la cusadira.  
Fa librocs cun sacs dadens,  
Bials barlacs cun laps immens.  
Caulds mantials e pelerinas,  
Per scheltiras e purginas –  
Tut fageva cumpar Buc,  
Da cuntschar shev'el ca luc.  
Cuort u liung, gest sco ins leva  
Il cusunz ranschar saveva.  
E schizun isaus sil fliec,  
Dev'el nova cuntsch'al tschiep.  
Tuts stimavan il cumpar,  
Mo ils buobs han da lignar,  
Co il schani far siglir,  
Quei dess franc zatgei da rir!

Buc dalunsch da siu tetgal,  
In piogn va sugl ual.



Tuts quels che han visitar il Buc vuliu  
Han da tschella vart dil flum stuiu.  
Ina punt vegn construida  
La glieud aschia ei bein survida.

Gest perquei han uss ils dus  
Ina resgia priu discus.  
Han resgiau viaden el lenn  
In toccun, ti ridischen!

Han gariu sin quei: "Mè, mè,  
Buc cun cornas, neu, bè, bè!"



Tut havess Buc muganau  
Mai in nausch plaid el vess ditgau,  
Tut, denton uss quella tuna  
Fa vegnir el ord la suna.



Ha fiers naven la forsk denton,  
Ed ei currius cul bratsch da ponn,  
sc'in desperau viers ils cugliuns,  
Vus mo spitgei, vus strienai lumpuns!

Strusch ch'el arriva sigl piogn  
Fa'l egl ual in hazer boggn.

O mirei, gl'ei schi fatal  
La sgulad'el freid ual.



Vi davos en lur lagugn:  
Tgei plascher ch'el va en grugn!



Accurat en quei mument  
- Patertgei tgei cletg terment! -



Duas auchettas sperasvi  
Sebusiran digl ual si.  
Cumpar Buc, il disgraziau,  
Per las combas ha pigliau.



E las duas, miracl'e cletg  
Train il fortunau sil schetg.  
Signur Buc ei giusts e smacs,  
Tut lai pender, ed ei stracs!



El survegn mal il calun  
Deglias enten il magun.

La consorta pren il fier,  
Scalda quel e tegn vitier  
Silla panza dil mariu  
Che ves'o gest sc'in murdiu.



Oz puspei ha ei giu num,  
Ch'el seigi revegnius, igl um.

Quei ei stau la tiarza pia,  
E la quart'ei gia sin via.